

鼎修德安府全志卷之十八

節烈

節烈並傳矣或曰烈矯矯哉余引陳嬰以對雖然
堅貞之氣視之如歸與松柏之資凝霜不改道固
無優劣也老臣曳履長樂封羸為語鬚眉慙此巾
幘作節烈志

安陸縣

節婦

翟怨妻趙氏守禦所千戶威之二年二十一怨卒無

德安府志

卷之六

節烈

子依母居足不日即父亦不得面年踰六十病
家人勸脗脉口吾手平生未嘗近人竟不藥卒有
司奏旌

陳天祐妻周氏年二十四守節家甚貧父母欲奪之
矢志不改監司屢給粟帛以贍其家舊居城南三
十里鯉魚灘忽一夕山漲驟至周身伏軀上誓其
俱汨河伯為退丈許北里漂沒陳室如故後臺
使者聞於朝建坊旌表至今坊額尚存

廩生喻當然妻程氏當然早世程年二十三苦志居



孀皜衣垢面紡績事姑里中稱爲孝節有司覈實
獎之

廩生劉宥妻余氏宥前妻管遺子尚幼宥卒氏欲從
夫地下入室自經幾絕婢覺救之謂宥臨死以翁
與子託氏氏不念平乃忍死剪髮謝鉛華事翁愈
謹教子爲諸生自二十九孀居至六十五歲卒鄉
人稱其苦節無玷院部使者屢旌其門

柯奕妻田氏京山宦家女奕爲邑庠生卒時田年二
十六無子女誓殉夫以姑妯防密得不死居宅後

德安府志

卷之六 節烈

二

一小樓惟毀容嗚咽入夜無哭聲三十六年絕不
獲復歸寧田氏崇禎辛巳年六十一卒以時事方
殷未經旌表

劉廷相妻方氏廷相贈按察使小失明早世方年二
十四卽自經與殉爲家人所救奉舅姑教子苦節
四十年子伯生伯燮登進士伯燮疏開表其間劉

紹恤有傳載藝文

李文弼妻程氏弼卒程年二十七苦節四十年劉紹

恤有傳載藝文

胡添文妻徐氏江西南昌人嘉靖年添文官德安有清操卒於任以貧不能歸里徐鬻衣珥治椁誅茅墓左躬泚洗粥其二露迄自成立延至孫來庭曾孫之祐之禧立孫三珽爾瑞爾琬皆以名諸生爲湏望族

萬世重妻鄭氏萬曆間重早世鄭年甫二十四濱死者數日爲戚里強起之奉姑訓子苦節五十餘年毀容孺慕有如一日子中翹中翹孫邦表邦屏俱補邑諸生天啓乙丑直指楊新期疏表建坊其門

德安府志

卷之六 節烈

三

今南城內坊額屹然存焉

庠生黃一中妻楊氏一中卒氏年方二十三誓死靡他撫遺孤黃彩補邑諸生苦節六十年崇禎間直指宋景雲疏請表其門曰貞節坊年八十一卒坊在四狀元坊下至今基址尙存

胡雋妻徐氏雋早故徐年甫二十無子女夫弟寧幼而孤家復貧落徐日某不難以一死二地下顯我死誰有哺寧而生活之者因誅茅墓左以三供晨夕凡苦節四十餘年後寧以明經選高年訓力

請於當事天啓元年奉旨建坊表其廬坊在陳店
今地

庠生嚴一敬妻姜氏持身幽靜夙嫻內則一敬早世
姜年甫二十二饑卧柩旁以死自誓子新國尙襁
抱索乳哺者呱呱聲不絕姜忽悟曰存亡幾輩繫
此單傳是何可死因截髮噬指勉作未亾人室僅
環堵日夕扃之比新國稍長督就外傳以機杼供
脩贄新國補邑弟子員赴黌序拜畢歸拜毋毋泣
曰我之所以不即地下者爲俟爾今日也未盡之
德安府志

卷之六 節烈

四

事爾自勉爲之吾願畢矣是日泣聲達旦竟不食
死郡紳士爲詩弔之天啓乙丑巡按楊新期以節
烈聞建坊旌表其閭

諸生呂水霞母某氏氏逸其姓子名亦不可攷水霞
其字也氏年二十餘誓以苦節著聞子若孫俱補
邑諸生今後人流亾父老猶能傳曰呂節母云

庠生嚴大賓妻魏氏大賓孝友聲在隆慶間娶魏氏
魏著姓也牲魚蘋芼素嫻闔則歸大賓年十八越
三載生子憲甫一歲大賓卒時萬曆六年十月也

魏毀裂絕粒者七日濱死其子呱呱泣姑弗忍之
晚沃以水少甦姑曰我淹淹待木汝復死不獨媳
無窆所併孤雛無活日也魏驚悟爰作柩室嚙指
斷髮持孤兒坐室中涕泣躬紡績有敬姜風椽宅
舊在河街次年夏恆兩河水溢人移城避魏以子
屬姑自伏柩哭須臾雨止水退辛巳三月朔比隣
火家人咸怖走魏泣曰夫在吾何往忽聞空中撲
火聲火尋滅憲稍長魏義方教之憲性至孝動遵
毋訓里人咸服以爲節婦之子云憲三子以敬以

德安府志

卷之六

節烈

五

翼以忠皆弱冠補弟子員以敬子懃博學爾雅爲

知名士

熊應元傳畧

諸生董以教姜黃氏生兩子憲章年二十七以教早
逝黃闔戶將自經時章尙呱呱泣董又世族以孝
友聞時庚子舉人董以脩乃以教同母弟也舊未
分爨惟黃主家政爲家人排戶守之得不死毀容
作未亾人夜月孤燈和熊諫讀兩子俱爲名諸生
崇禎壬午已六十有四於旌表例合紳士合詞以
請直指汪承詔聞於朝以國變未報卒年七十有

秦應碧妻鄧氏應碧卒鄧年二十三屏絕膏水杜門
孀守天啓間巡按御史白士磷疏聞表其節
節

游之文妻盧氏 天午舉人游應龍母也年十七於歸
值之文善病盧脫簪珥以供醫藥凡十年不少倦
之文卒時應龍甫四歲盧誓以死殉家人奔告舅
妯 心解之勉以陳嬰之節因不得死崇禎辛巳提
學高世恭採輿論旌表之癸未年八十七應龍令

德安府志

卷之九

節烈

六

漂水迎養於官舍未一年卒

胡象先妻沈氏貢生沈翀字次女也象先隨父任萬
年諭卒於任沈時年二十七止一子袍尚未週歲
象先又後母下沈罄家人產往扶其觀以歸教袍
成諸生苦節四十年卒後袍為賊害夫亦逸其名
象先其字 一胡氏先有徐氏之節蓋一門雙節

熊爾
良記

熊應祺妻彭氏祺早世彭年二十六哀毀不食
生理時公姑俱卧病公士弘故 令官褒

家徒壁立卽藥餌贍粥之須缺如也彭不得已始強起悉以衣珥付質庫而身親及第以奉二人且掩泣嗚咽懼以啼聲達卧內不敢傷堂上二人心也未三月兩喪相繼後事悉彭辦之仍一一如故官禮時子徵驥徵麟俱尙在襁抱垢面毀容躬自操作乳哺和熊以迄於成蓋三十八年如一口焉年六十六卒崇禎間知府樊邦正知縣濮有宏採輿論達於學使高世泰表其門子徵驥爲名諸生陳正義妻鄔氏鄔少寡撫子琦成諸生以苦節著琦

德安府志

卷之六

節烈

七

年二十四卒婦徐氏少於琦者五歲止一女才一歲徐向諸戚媪泣曰陳氏之祀自我而餒何難從夫於地下奈堂上班白誰與供菽水者因與姑誓共守孤闈甚暑嚴霜依依膝下每風晨月夕惟聞兩婆婦啼泣聲爾今年乙巳諸生董大任等上其事於官知府高勳曰兩世孀守終於死節悲風血淚天日爲昏斯語也洵可慰雙魂於地下哉

鄧之琚毋張氏年二十寡時之琚尙在乳穉毀容孀守躬機杼課讀之琚補邑諸生操切家政浸至素

封蓋苦節而以能勸起家者年七十卒

郭後庵妻黃氏後庵卒黃年二十五舉二子俱襁抱堂上人老矣又遺腹待婉黃於分不得死強忍食自誓勵水操崇禎末年已七十有七值白旺之變二子被執黃抱孫魏才四歲郎前遺腹子所生子也同鄰婦段匿河干賊騎克斥往來如織段懼魏呱呱爲累逼投之水中黃泣禱曰某兩子已死亦下郭氏一線僅此藐孤倘復作聲俾爲賊得某惟有俱汨波臣爾惟天憐之竟日夕無啼聲黃夜起

德安府志

卷之六 節烈

八

竊麥穗口嚼以活魏賊往來亦無所見說者以爲苦節之報云黃年八十卒魏後成諸生

楊國祺妻張氏年二十二國祺早世時子其俊甫四歲其雄甫生月餘張觸棺倒地誓以死殉舅姑力諭之因撤簪餌躬機杼以供其毳水潔自矢蓋四十五年

諸生熊徵望妻邵氏年十九望卒尚有遺腹越六月始生子洪輅蓋商文恪亦遺腹云公姑又鶴髮邵於禮不得死茹藥飲水力將色養乳哺課讀凡三

十餘年洪輅更名良遇爲諸生熊固世族時徵驥
毋彭氏卽卽之從姑亦以苦節著郡人稱爲熊氏
雙節云

冉希文妻張氏年二十一希文卒子問行僅三歲張
飲水撫孤誓死靡二家計漸振以賢毋著凡四十
年問行暨孫皆諸生

周治岐妻王氏岐幼孤而貧王年十四歸岐躬機杼
以供姑甘旨早夜問省養志不少怠凡四年而姑
逝又二年而岐逝王年甫二十葬之日委身於壙

德安府志

卷之六

節烈

九

誓與同穴父母掖之起止一女尚呱呱泣毋強投
之懷中王泣曰女命不宜子致餒而祀誠不孝復
不能殉夫誠不義爲世罪人不孝不義何偉生爲
父母時時左右之得不死未幾有挾之再醮者王
引斧自斷其臂骨爲之折疆暴屏息去越崇禎甲
申王父母兄弟俱罹賊難以女適諸生劉俊千劉
之毋亦孀守迺與同居午夜嗚咽以未得從地下
爲恨今年六十有二俊千以其狀聞於官知府高
翔贊曰無子守節可愧世之有子而不能守者慄

慨折臂古之毀貌斷指昔聞其語今見其人靡然
流俗百卉盡靡幽貞乃見

董以脩妻劉氏應山經歷劉旂之女萬曆己未年十
四適以脩隨任浙之龍泉縣以脩卒於任宦橐蕭
然遠觀未歸且氏有遺腹猶異宜以承董祀因勉
作未亾人時氏年十八爾旋里僅生一女劉之諸
兄弟憐之勤之改節者再復侈巨姓以相諷動氏
啼泣不絕聲毀容衣布紡績孤闈蓋三十餘年年
五十一卒

德安府志

卷之六

節烈

邑諸生甘策妻徐氏策固廷諫季子性儻倬結客家
漸落徐悉脫簪珥供之策早世徐年甫二十七竭
力事孀姑菜其旨悉脩姑病伏床上藥餌竟忘寢
食者累月崇禎壬午賊至聞仲子和森名欲官之
徐曰兒自匿去毋以老寡婦故戀城中也森竟以
計伏應山寶陵深處時粹粹轉徙徐猶携遺經課
三子迄今茹蘖和熊四十餘年如一日國人以其
狀白於當事俱獎勵之

楊絳
先記

望妻沈氏年十六歸士望素嫺禮教舉二千七

望早世沈年甫二十六哀痛倒地水漿不入口者
七日母楊同姑鄔強扶之起不聽沃以水少甦因
再四解之曰姑老矣若卽死而夫亦無窆所且謂
兩呱呱子何因留夫柩殯於室日夕哀奠躬自泔
洗以粥其家忽夜半比隣火沈倉遽伏柩上呼天
誓與同燬風遮折而北崇禎癸未遭賊之變猝猝
扶襯出城外未數里與賊值肩負者爭鼠伏沈憑
棺痛哭以首捨柩幾碎血淋淋滿衣袖賊爲之動
遍搜鄉人掩以坏土而去因攜兩子從間道及其

德安府志

卷之六 節烈

十一

弟於鄂渚夏五武昌又陷以衣帶結兩子從雉堞
中墜下卒無恙比及夏口捨攘絕渡適與弟家老
婢值從蘆葦中覓一舟以渡說者謂天之報施苦
節云康熙甲辰年七十卒子邦鎮邦憲俱爲諸生

王宗孔
傳畧

諸生張縉母楊氏年二十六夫早世楊白矢栢舟貞
節罔貳躬絲泉以爲家政篝燈晝菽午夜不倦蓋
勵節二十六 今年六十有二

吳洪妻李氏崇禎 戊辰洪早世李甫艾哀毀骨立留

大柩不忍封日夕洒淚相向每機杼聲與涕聲達
戶外過者惻然茹葉歷四十餘年順治戊子巡道
張以讓表其廬壽七十四卒子國值爲司功曹宗
璉爲名諸生孫道凝亦有聲藝苑

楊自若妻李氏自若早世李年二十二子憲生甫數
月舅姑已衰老家復壁立因強之改適李誓以死
守其旨無缺姑病癱勢且不起李爲吮之尋愈年
六十有三子憲爲諸生

徐都妻熊氏諸生熊夢鵬同胞姊也年十七下歸越

德安府志

卷之六 節烈

十一

四閱月而都逝無子女誓以身殉父母毋固守之得
不死因毀容不櫛沐不出閫以外惟紡績自給日
夕嗚咽兵賊之變止伏都墓左雖烽火如蝟搜殺
無遺竟未與熊值郎值亦如未見然著人稱爲苦
節之報云年六十八卒

李占先妻王氏年二十三占先卒已舉二子長養澄
才二歲次方爾月王誓死不欲生以公姑未殯家
計蕭然復堅忍苟活稱未亾人朝則汲水運薪夜
則紡績龜手不惜凡積數年而始得厝諸骨於地

下卒年六十有四

邑人宣
班傳畧

蔡正倫妻熊氏倫早卒時年二十五啓明尚未免懷
公姑復皤然耄矣家本夙貧菽水之須熊竭女紅
辦之生事死塋悉如禮年七十四行不踰閩外比
里無有見其面者

黃希宇妻劉氏萬曆間希宇卒劉年二十四子士俊
四歲中鮮兄弟家徒壁立劉從哀毀中嚴冬盡解
所衣布衣勉爲治樁念骸骨未藏襁抱無托強忍
同穴之志而以節見會歲祲自採木皮爲食紡績

德安府志

卷之六 節烈

三

市米以哺其子冰霜之氣四十年如一日焉崇禎
間知府李行志知縣楊秀儼表其門孫輔鼎明經
重孫鵠鵬鴻俱名諸生

諸生陳亮妻沈氏亮少以文名試輒高等崇禎癸酉
預省闈以副車於邑而卒沈年二十六時猝猝賊
警家無附郭子錦甫周歲力不能謀坏土不得已
強生躬機杼以襄後事茹荼飲血三十餘年錦成
立爲諸生

諸生徐中矩妻孫氏于歸五年而中矩卽世孫年僅

二十有四家計無擔石舅姑雙老子時達又厯周歲孫不得已強食自也供孝養撫時達以玉於成凡四十年永蘖之操如霜日衆人稱曰徐母云年六十卒時達爲名諸生

守禦所千戶梅徵和妻殷氏和固應奎長子以世職督漕於外應奎歸老杜門著述凡薪水之須皆殷竭蹶辦之未幾和卒殷年甫艾哀毀骨立永節凜然年六十卒子敬選貢生次壯中名諸生

高思勉妻蕭氏年二十三崇禎間勉病蕭脫簪珥以

德安府志

卷之六

節烈

高

供醫藥及將易簀之夕誓與俱死子高甫七閱月勉慰之曰若死奈呱呱何如餒高氏之祀卽相從地下無相見也蕭勉治後事矢節靡他未幾值賊變爲所執曳之弗肯前延頸受利刃佯死得脫里人揚自華者著族也聞蕭永節以女許字其子得藉修脯爲和熊之助補邑弟子員蕭名之曰楊其高

武生員熊肇勳妻黃氏年二十九崇禎丙子肇勳堵賊於青龍潭遇害凶問至氏觸石流血泣曰夫旣

死國妾當死夫遂闔戶自經姑急救之曰媳死義也奈週歲之呱呱子何若無母必死則牽勲之忠義絕矣因勉作未亾人茹蘖教子三十餘年如一日卒年六十有一

烈女

張烈女市民張佩之女嘉靖己未女年十有六歲許聘朱鶚之子比未嫁明年五月比病卒毋以語女女曰父母以我許聘朱門矣豈得復有二言是夜卽自經死汪中丞道昆奏旌表其墓

德安府志

卷之六

節烈

五

烈婦

牛氏龔天休妻景府群牧所人誓偕夫死跪夫柩側不食十七日瀕死歛人程明著贈棺槨鄉人爭以美棺至皆不受性端靜每勸女婦脩行先是夫貧甚欲嫁之引死不從其天性如此有司治墓立祠諸生劉自義妻李氏高躬村人年十九適自義病革與李訣曰吾已矣吾父母暨三子惟汝在李泣曰夫所念者幸夫之兄若嫂在倘見背卽從夫地下不敢後亾何劉卒李一慟倒地起視含殮如禮卽

謁辭舅姑屬夫之兄若嫂以舅姑暨三子如對夫
旨復一慟倒地水漿不入 歷有十八日死部使
者具聞旌之

指揮何昌胤側室劉氏白旺據郡城昌胤攜家匿於
白兆山莊敝衣履從間道走鄂詣撫軍何騰蛟巡
道章曠効秦庭之哭旺因執其妻妾以招之氏曰
吾夫受朝廷世爵且元老後招亦不來矣賊卒曰
白將軍慕夫人彼不來自入佳境無慮也氏罵曰
某夫郎領大兵至若輩且糞粉肯受辱耶罵訖馬
德安府志

卷之六 節烈

六

已次濠側因騰躍入水死

諸生萬士傑妻鄭氏崇禎辛巳避賊於邑西之萬福
山柴陷鄭被執欲污氏鄭已預計裂帛縛周身密
爲縫紉賊堅力以解鄭乘其不意奪刀向賊被其
殺死

庠生余孚尹妻李氏年十七歸余尚未再歲崇禎癸
未兵賊之亂避寓武昌與余寓隣五月晦城陷孚
尹猝猝匿迄未返越旦李被擄去置之燬餘殘室
中與余子之禎值隨之走江下婦以死自矢禎兒

慰之曰尚得生還亦未可知李曰郎幸歸去有何
面目見姻婭遂奮投江中死彼一時也婦女死者
奚啻億萬計然皆無可奈何視氏之從容如飴謂
之曰烈固宜

熊應元
傳畧

萬之益妻沈氏沈長璽之姊生三女年二十四崇禎
丁丑避賊村落爲所執引置荒谷中欲污之氏以
死誓出詞厲甚有比隣竝擄者掩其口氏罵曰爾
自從死賊去我宦族清白後豈以相辱賊連亦其
三女以懼之終不屈延頸受戮以死之益爲余從

德安府志

卷之六 節烈

七

兄因收其骸骨殯焉

萬之
奇記

諸生戴樞元妻萬氏萬之彥同母妹也崇禎壬午適
樞甫二月偕避賊槎山砦夜襲破之樞攜萬病走
山谷賊騎將至萬曰事急矣以我故緩君步俱亦
無益請舍之樞堅執不釋竟嚙樞手及血而脫躍

水死

萬之奇
記

黃都妻何氏廣西鬱林州判黃爾鼎繼母也都補功
曹椽以方直著有古狷者風崇禎甲申同被賊亂
於山砦砦破被執先加刃於都而始留何曳之前

往何堅抱都屍濺血染面罵曰死便俱死肯獨生乎賊怒而劓之碎屍以死

諸生文景隆妻宣氏景隆郎世宣年甫十九無子止一女兩妯皆名族抄其再適者踵接宣自構一斗室以宅後為戶禮佛凡三十餘年崇禎癸未值賊崇禎此不爰辱赴水死女適選貢生吳冕

此二地妻榮氏榮成寵同母妹也事公姑以孝聞崇禎間賊變家人俱避匿榮之祖姑年已九十艱步履榮獨依破堡中不忍去為賊所執欲污之榮辱

德安府志

卷之六 節烈

六

抱屋柱以死拒賊怒而刃之

梁杜龕妻王氏龕為鄆州刺史嘗領軍與陳霸先戰敗之龕好飲勇而無詠部將杜秦通於霸先說龕降龕然之王曰霸先深讎何可求和因出私財募兵復大敗之後杜秦降於霸先龕尚醉未覺霸先遣人負出斬之王逸去截髮出家人莫之識臨卒始語人曰恨不能殺負夫者附

原任副將吳天榮妻張氏順治丙戌韓兵大譁入榮鎮鄆子撫綏有畧兵民雜處胥相安焉未一年卒

子茂仍方過歲氏以元戎之配孀守自分內事獨
其寄籍鄖土家政凜然有足多者且以嫡母撫茂
仍如已子稍長延塾師晝夜和熊早夜不倦迄今
二十餘年茂仍試童子科第一皆稱義方之訓云
附

雲夢縣節烈

王鸞妻袁氏撫孤矢志不渝正德中旌之

庠生左忠言妻徐氏言卒時徐年十九守節不三嘉
靖中表其門

德安府志

卷之六 節烈

九

徐妻封吳氏年十八歸徐於安陸事舅姑孝謹癸未
賊至被執命成衣碎賊之帛隨奪其刀自刺賊怒
斃其吭

關坤妻安氏年十九夫歿欲殉之不得越月其母以
病召乃奉主同往母所數日母微諷之婦乃號泣
少則投縲於樓端矣

關陳諫妻呂氏崇禎癸未歲陷邑婦乃謂夫曰吾輩
當爲之所毋貽君羞急取漁網索密結遍體俄而
賊至被執命去衣婦投剪破賊面且罵賊怒碎磔

投於水

韓玉岡妻徐氏夫被賊迫溺水婦罵賊躍身中流殉
大次口相偶浮出

萬長祚妾左氏值賊俘之馬上奮身投地大罵賊怒
碎磔之

左維新母周氏孀居三十年撫子成立爲貢士癸未
避亂鄂城城破乃命子等逃自縊於神祠中賊平
始殮歸葬

左瀾妻熊氏聞寇警隨夫潛行至水次見賊騎對夫
德安府志

卷之六

節烈

下

泣血投澗而死

彭文運妻張氏二十早寡年六十餘攜兩孫避亂值
賊欲奪去張堅不與受三箭不動賊駭異去卒以
箠死

李烈女幼孤年方十六崇禎癸未闖賊南猖隨母兄
避難及寇至湖濱女乃囑兄善事母即赴湖水而
死焉

李婦廖氏利塘河西八姑病剖左脇割肝療之
柳昇妻毛氏年十九而昇喪剪髮斷指以死自誓年

六十卒

彭德亮妻許氏事舅姑孝處娣姒和亮卒無子許年二十七誓死不他足不越閭外薦哭盡哀田園悉分夫姪繼祖姑張氏迎養殮喪俱如禮居室毀容治家嚴整年七十餘卒

龔節妻景氏夫歿殯閨中卧於側事奉如生得旌表吳觀光母黃氏夫死苦節當亂離之際能存吳氏之孤時人以賢節稱

李倬繼妻徐氏年十七適李撫前妻二子成立倬卒

德安府志

卷之六 節烈

廿一

徐苦節四十八年如一日

樂節婦李氏癸未避亂烏泥河爲賊執不屈死

左獻臣妻張氏早寡孀居四十餘年撫子爲名諸生

媳曹氏三 寇獲不屈死鄉人稱曰姑甘節媳苦節

王鳳昇妻蕭氏夫從征歿於官孀居三十年茹苦清

操如一日

應城縣

趙孝婦早寡事姑孝家益貧傭織以奉姑救水嘗念姑老乃鬻次子置姑一 值南隣火風甚烈孝婦早

扶姑出棺不可移乃撫棺大哭不去風忽及人以
孝感云

陳沂妻朱氏夫死無子一女相守以貞潔終正德中
事聞

楊琬妻周氏無子苦節嘉靖中旌表其門

李世和妻朱氏世和邑諸生死宋年二十八奉姑訓
子以守至嘉靖末歷三十餘年卒

聶鎮妻余氏鎮舉鄉試卒時余年三十無子女惡食
毀面至嘉靖末歷三十餘年以貞節聞

德安府志

卷之六 節烈

三

宋孝女毋劉氏以產得廢疾女十歲知之曰毋爲我
致疾耶將笄剪髮誓不道人養毋四十餘年志操
無玷毋死不越日亦卒

楊溥妻王氏年二十五而寡撫遺腹子紡績以奉舅
姑白首一節

何志崇妻饒氏知府饒氏之妻也之女崇禎丙子流賊圍
城父母縊死氏謂其父死忠女合死孝夫子
前程遠當速行乃縊父母屍側

張烈女名廉姐自幼許聘年十七婚死父母將

改聘女登樓自刎端坐不僵有司上其事建奇節坊於墓左後本宗張弘初年二十九卒其妻周氏亦自刎府縣旌其門曰一門節烈

饒季喆妻曾氏獻賊陷城曾氏聞姑程氏縊死乃率其妾劉氏赴水溺死及賊去越七日曾氏屍始浮出顏色如生

庠生陳藝妻彭氏藝死時彭年十九杜門守節垂老無玷有司表其門

庠生黃應泰妻余氏應泰早喪余苦節三十餘年訓德安府志

卷之九 節烈

三

子師憲中壬午鄉試捷聞涕泣曰吾今可以下見夫君矣遂絕粒卒年六十五

孝感縣節烈

陳政三妻楊氏生四子年二十七政三卒姻戚勸更適楊氏以是藐諸孤不能即殉夫地下何忍更言其他歲餘舅姑相繼卒楊葬之家甚貧日一飯撫諸子皆成立知縣羅勉上其事正統五年旌

監生張瑀妻黎氏生子文迪二歲而瑀卒母欲奪之不可以女紅自食教文迪登賢書正德十三年旌

張楚英妻王氏撫子霍紡績以供餽舍而居雖至親不恆見面詔旌之司寇何遷表其墓

省祭謝銘妻劉氏適銘四年銘卒子惠僅八月或欲奪其志劉誓死不回嘉靖十年有司以輿論請不報

舉人湯星繼妻舒氏年二十六星卒無子舒撫屍一慟嘔血數升欲引決不得立星兄子民惇為星後宵旦蔬水必薦薦必哭邑人哀之先後縣令上其事未得題請

德安府志

卷之六 節烈

四

監生程稽妾李氏生子學思二歲而稽卒李年二十四嫡唐欲嫁之不可事唐尤謹州縣龍上其事御史陳於陞題請嘉靖中旌

劉廷相妻方氏年二十四守節事舅姑克孝撫二子伯生伯燮皆成進士知縣劉崑上其事隆慶二年旌

生員丘山妾曹氏二十五子餘慶二歲山病革命嫁曹曹泣曰為妾不能從死耶顧為丘氏計舅姑老矣孤兒綫郎謝容飾甘蔬糲孝慈備至邑

人以狀聞知縣劉崑爲之傳

生員鄧文煥繼妻蕭氏年十九守節家甚貧事舅姑撫前妻子立如已出以迄有成知縣劉崑表其閭武興典史徐遷繼妻席氏年二十四子袖往數歲遷以餉軍卒於邊席欲死人口地下有言孤兒無托旅襯數千里誰其尸之席強起扶襯歸家禱祭一慟而卒知縣余桂萼扁其門

李含芳妻戴氏守節事舅姑孝姑卒時年九十矣戴亦七十哀毀成禮知縣余桂萼扁其門

德安府志

卷之六 節烈

廿五

生員嚴誼妻周氏應城周中丞女適誼行年二十四而誼卒時子惟慤甫三歲惟慤甫歲餘周哀慟幾絕水漿不入口娣奴勸之至切曰若以身殉則得夫如兩藐孤何乃強起日夕抱兩孤兒哭柩所曰吾不能撫若成立吾無面目見地下人矣恆產本不及中人重以拮据喪葬家道益落周備嘗荼蘼惇惇孀貞五十年如一日卒年七十有四知縣余桂萼旌其門惟慤明經廣文惟慤各諸生孫十一列子衿者六登賢書者二曾孫正矩崇禎癸未既

汝進士疏聞朝廷下以木及復而國變
生員高程妻魯氏縣丞魯仲時女也擢死畧十
十年一哭踊不忍獨生以姑左右之得不死
散髮五十年哭不絕聲卒年七十二知縣余
上其狀高曆三十六年旌

夏彙妻夏侯氏彙早喪夏侯擗踊欲殉念上有白頭
姑陳而下有兩孤曰應圖應書乃強起當戶獨事
陳惟謹者二十六年撫二子俱成立應書且補博
士弟子爲娶婦石生子時亨甫八月而石卒孫失

德安府志

卷之六 節烈

其

乳晝夜啼家貧不能謀乳媪夏侯抱孫乞乳
乳已孫却啼如前則以意揉粉如乳灌口哺孫遂
活孫後六年復爲應書娶繼婦王應書性故孝友
推兄嫂秉筦鑰王來年十六力操作奉嫂督課等
女所不敢以娣禮薦也宵分篝火乃得爲前妻子
時亨製衣履甚不能自給亾何應書卒王即心祭
胸密割髮置口枕下殮畢且投繯姑夏侯哭曰天
降禍夏氏爾奈何劫之且爾夫不有孤兒耶奈何
棄之王乃唯唯不敢言八日嚮織以奉姑且爲孤

教養身哺糠粃至日不再舉火其父王雖溫飽顧
不事詩書以夏氏微數諷女嫁王言輒泣下以死
誓不許一日父私與里中豪約馳急走給女稱父
病且死待女至而瞑王遽歸則里中豪行且至而
父故無恙也王仆地號泣曰夏氏孤何仇於爾家
而爲此狡獪計若是寵下狗不食其餘矣遂徒跣
馳去王護孤益力奉姑夏侯益謹姑且老年七十
有五卒王一勤幾絕自是身首麻縞日夜泣以至
蓋棺卒年四十有二時前妻子時亨奕奕有聲萬

德安府志

卷之六 節烈

七

曆丁巳侍御史彭宗孟按楚以夏侯狀王狀聞之
朝會神宗耄年勤勤諸疏留中不報庚申光宗自
諒闇中下其事禮部天啓辛酉五月部覆可詔表
其間曰一門雙節是時時亨舉於鄉明年成進士
崇禎初時亨自戶部郎擢叅河南政特給新銜命
贈夏侯王皆爲太淑夫人

生員楊洪楫妻梅氏生子同善甫七歲洪楫卒梅事
姑以孝聞守節終身詳其孫兆儀節孝傳見藝文

文乾氏年十七歸文煥。越年文煥卒。乾年
九無子女。拔刀自裁。母姑救之。三日氣不絕。復
甦。自是斷葷腥。日不再食。知縣雍鳴鸞以棹楔表
其門。崇禎癸未。闖陷德安。從子高騫將扶避山。皆
曰。吾老矣。豈復出此門求活行。吾四十年之志
可也。投後園池水中死。

女祝氏年十八適怡。二十五怡卒。事雙姑以孝。
即四十九年卒。年七十四。崇禎七年旌表。
妻樂氏年十九自克。卒遺孤性甫。一歲樂力

德安府志

卷之六 節烈

其

織課老農。力耕奉舅姑。以老教。性有成。守節凡四
十八年。乃卒。

生員鄧張妻汪氏年十八張卒。忍死守節二十七年。
養舅姑。子有杞。有梓。俱成立。舅姑逝。江
矣。乃於臘祭日。哭靈前。以死。崇禎五

生員辛鼎妻張氏年十八鼎卒。無歸。
得死。勤績食。有姑十二年。姑逝。

又八年。乃守令表棹楔。
唐在衡。湯氏年十六歸在衡。明。

死湯中子已二月聞訃鬻先人產八畝爲奔喪
枕柩大哭嘔血自縊不死自刎入寸許諸母營
抹又不死乃絕粒五日不納勺飲且死諸母口汝
自處甚善然置孤兒何地兒倘失恃死夫且不祀
因取孤兒投其懷相向泣婦強起爲進一七粥厝
夫柩斗室而寢食於其側二年不脫哀每事輒呼
每呼必泣戊申歲大水及廬湯不出戶一步曰吾
與棺俱沒爾頃之水退得不死兒稍長就外傳衣
食教讀事事從寡母十指中出湯兩目亦盲歲饑

德安府志

卷之六 節烈

完

或得穀則以其中食兒而私飽糠粃亦不令兒知
也大啓甲子子已冠爲諸生湯集諸母告之尸孤
兒賴父之靈以有今日昔行吾傳志矣迺以夫忘
口設奠撫棺痛絕子婦進湯水不納數日死巡按
御史溫臯謨具題旌表子名吉貢士

生員劉視妻沈氏吏部侍郎沈惟炳女也年十六適
僉都御史劉應遇第五子視勤婦職事繼姑尤謹
逾年視卒遺命立其兄祺之子興義以爲後沈願
殉閹以內曲解百端日而以其殉夫良善顧門無

炊火而夫餒鬼爾沈乃雨涕強起受兒當是時沈
年十有七諸姑伯姊少之沈泣曰我之生也爲世
贅物終老地上而亦何之徒以故夫命有呱呱子
在人其少我哉心乃老矣因閉戶下鍵內外斬斬
慈與義自晬及亂每飯未嘗違膝間也逮出就外
傳或讀書至夜分沈孤燈俟之與二三女厮纏車
相接後與義補邑諸生而沈母程晚歲善病劇念
沈欲旦女與俱沈乃昇輿義家泣告親柩下曰君
付托得人老寡婦可以息肩矣惟是窀穸之事當

德安府志

卷之六 節烈

三

留與義以卒君恐死立孤之意自是大歸於沈
甲戌起盡廬相望視柩猶未窆沈泣請於父取
沈土瘞夫而廬處其右每展墓嗚咽曰未亾人一
旦死誰當以一杯酒澆劉家墳上者性尤孝母死
哀毀骨立比父卒毀如居母喪里人士稱貞婦孝
女無異辭

楊埏妻楊氏生子慶鑄年二十七埏卒家故貧舅姑
又老歲游餓贊老僕以養不繼伯舅勸更嫁以死
辭嚼糠糲度日而貯其裏以飯舅姑舅姑死爲具

殯殮室慶錡成家年六十以完節老諸生楊洪才其孫也

徐秉衡妻華氏年二十七秉衡卒矢不再適戶恆扃率兩女紡績自給日厥明號哭向晦寂然終身無笑容服不華眉不剔耳不鐺肉且復合不過隣家緝內戚不越閭閻隣婦有以更嫁之說進者斥不與通諸行事皆暗與理合竟老死無表彰之者其次女適楊洪才

安氏年二十五文明卒求死不得苦節日

德安府志

卷之六 節烈

三

矢撫子啓祥成立爲諸生知縣雍鳴鸞扁其門

楊嘉善妻李氏倉大史李占春女也年十八嘉善卒

時子兆應甫數月李因家落大歸從父躬紡績以育孤兒父憐之爲置田宅於雨山之麓以苦節終吳士望妻宋氏年二十四士望卒無嗣撫望從子如其子紡績自給養舅姑喪葬如禮卒年六十

劉相明妻隋氏適相明九年生二子寧宏相明卒矢不他適其夫家孤危虞不測歸居父家勤紡織爲兩孤擇配以迄成立卒年四十五知縣雍鳴鸞扁

其門

舉人傅彥欽妻程氏年二十八彥欽卒程置夫柩於堂左泣血致盲事孀姑湯孝撫二子世淳世傑補諸生姑卒亦柩於堂朝夕哀泣兩柩前數十年如一日崇禎祭未賊陷德安且分兵下孝感程委家不顧而急募人昇二柩出城為具禮葬時人賢之卒年七十

生員熊祚延妻李氏年二十年七載延卒李毀容絕粒求盡弟嘉卉以孤賜履賜瓚解得不

德安府志

卷之六

節烈

三

死依母家荼蘼自甘屏絕嗜好雖祁寒暑雨絀織不輟性特嚴凜閩以內外肅如也子稍長丸熊請古陶潛母不過是順治戊戌賜履成進士

吉忠 旌表今賜履武英殿大學士

李氏太夫人賜瓚亦成進士今翰林院編修生員夏鼐妾吉氏陳氏鼐沒時吉陳年各二十餘時

吉生子祚典甫七月陳鞠若已子水霜共勵撫恤

郡邑有云男忠尚無偶存趙氏孤昔惟嬰白女節
幾成雙綿夏氏血近見吉陳知縣王驥扁其門曰
雙婺存孤聞之直指以事未。棺但旌以棹楔時
吉年七十有二陳六十有九

李養樸妻馬氏年二十七養樸歿子之馨甫歲餘家
更貧繼姑涂氏惟少孀膳或因勸更適馬泣曰所
以不郎殉者正以孤兒一綫白首姑在堂爾忍言
其他因割髮刳面以絕異議崇禎十五年大饑流
寇所在焚掠氏備極仳離栢節彌堅其事繼姑尤

德安府志

卷之六 節烈

三

謹獲殮俱出氏紡紉而已顧私食榆蕨不欲令姑
見也姑歿悉鬻產物僅能殮乃躬操壘裡數日成
墓今芥鬣聳峙盖猶氏築者子既亂就傅母家歸
則持嚴提訓不事姑息人以此益多氏狀聞 各
憲旌以扁年八十四卒孫士綱世顯皆能文有聲
庠序

烈婦

陳可化妻郭氏歲禮可化遊於外久不歸陳氏郭氏
皆言可化死以郭許其鄰桂姓者郭死拒之事得

寢又七年諸奸定計嫁郭郭度不能爭自經死知縣蔣以化白其事巡撫李楨題旌之治奸黨如律生員劉應麟妻湯氏年二十四萬曆己丑應麟病篤遺命嗣其弟應遇之子科謂湯曰不幸背君中道無子又有毋願以菽水及蒸嘗爲託湯曰存亾君也妾能從叔能祀君奚患哉應麟卒湯觸棺幾絕衆持之得不死夜半自經又救之不得死家人慰安百方不聽相與守視嚴湯度不得死遂起盥洗衣衰經而哭於廟嗣科兒更名承檢笥篋省生計

德安府志

卷之六 節烈

三

毋與姑皆竟謂不死矣毋遂去湯謂侍者曰吾疲甚思寢爾曹毋譁也詰朝扉不啓發視之則雉經坐逝嚼其舌碎距夫死十四日也事聞於其門戶部主事程良孺妻傅氏新昌知縣偉女也其祖姑湯姑熊盡志盡物以孝著崇禎甲辰良孺分司鳳陽倉乙亥正月賊陷鳳陽鳳陽無噍類倉皇率廝役守廩義不內餽子正揆破垣入署之左塘茅屋中賊焚屋地傳頌中一得其一指三日賊去正揆於灰燼中尋得之猶臧勅卹於衣肘間

絕而復甦出勅印付良孺而卒崇禎十五年詔旌其門

翰林編修程正揆妻舒氏崇禎乙亥正揆請假之鳳陽省親舒與俱鳳陽陷舒死之崇禎十五年與姑同旌表

程正遇妻劉氏崇禎丁丑賊至被獲促之兮不從出劍劫之又不從賊曰吾將殺而父母及而子殲而同類同繫者聲漸股栗周泣而引諭之劉曉不主視曰我自索死父母奚罪是呱呱者我死彼亦死

德安府志

卷之六 節烈

三三

又奚累也俯首授賊曰疾殺我賊怒一手握其髮一手加劍三擊之跌坐而死賊亦壯之脫其父母而去

劉應景妻丘氏爲賊所執屢促不從賊曰毋汝丘曰得死幸爾賊大索於村貯油滿甕漬丘衣語同類曰此婦木噓將焚之丘哂曰若謂死溺死焚死於必存間而官兵旦夕至若求如我得哉賊怒束之於木而焚之罵不絕口

生員唐烈妻陳氏崇禎丁丑從夫避難山砦賊突至

夫與子俱奔散陳獨行山石間若人曰非唐氏媼乎事迫矣可急入保陳問夫與子至未人曰未也陳泣曰我乳乳一婦人靡因靡至諸君雖憐而生我我何面目安茲土耶夫存亡未可知保人之逸不義棄夫之難不貞失貞與義何以爲人吾其行也卒不入少選賊大至逼之去不從罵以死

范允公妻沈氏生員方女也允公贅於沈崇禎癸未爲惠兵所掠強之極口罵兵降色誘之終不聽被殺

德安府志

卷之六 節烈

三

貢生胡敬妻姚氏繼姑喻性奇嚴姚以誠敬得其歡心內則甚飭崇禎癸未正月李自成分兵陷孝感姚避難南湖獨坐小舟欬欬不已隣舟婦譬解之曰賊自入垣從未殺人何畏也姚曰我非畏殺畏其不殺爾遂將所攜衣簪盡分給婢戚明日聞賊掠舟入湖姚曰賊至必辱辱而後死不如無死遂攜其二女投水而死死逾時而賊至

生員張聲妻陳氏崇禎癸未避賊邑之萬金湖聲迫散去陳偕同難諸婦赴水賊呼諸婦起日起則

陳獨不起時 援之罵曰死爾若何敢手吾衣則
怒急擊之陳抱其子入深水死

生員魯近遠妻顏氏避亂武昌崇禎癸未五月城破
與其子之筆妻李同被執俱極口罵賊姑婦同死
舉人丁之鴻妻宋氏崇禎末之鴻避賊浮家湖濱乙
酉賊屠湖宋疾呼其姒劉與女甥婢子數人刺小
艇於水森處從容訣曰吾與爾皆婦人豈可爲賊
亦所污相率投水死後浹旬賊去家人出屍水中
凜然生氣簪履綢結如故也時人異之

德安府志

卷之六 節烈

三七

貢生彭焱妻胡氏烈婦姚女也崇禎間隨焱避難湖
南之黔陽會王進才作亂胡被執強之渡河不可
罵賊被斫身無完膚猶罵不絕口一子一女同死
黔陽人有貞烈婦人之歌

胡自聖妻黎氏年十五完配事公姑以孝著閱四載
自聖死黎慟經日乃沐浴整衣辭公姑果即扼吭
求盡家人驚救護甚嚴氏度不得死紿之日我急
自縊出此然當完節老爾衆以爲然乃拮据死者
喪下氏遂扃戶自縊知縣巫之巒上其事旌獎如

例

張挺然妻黃氏以明智有聲山間崇禎癸未賊帥白
旺陷郡城授挺然僞掌旅黃泣止之不聽顧挺然
竭力爲賊用賊猶疑之令取婦來以爲質黃攜十
歲兒匿青山砦挺然誘以利刦以兵俱不去使親
戚招之終不去乃攻破砦焚故居意以窮黃使其
悔改黃乃逃匿愈深竟不可得挺然託人寄兒金
簪兒以縮髮黃怒拔棄之曰何爲賊物汚首乎久
之賊挺然逃外未知死所黃勤耕織撫其子婚

德安府志

卷之六 節烈

三

媾成人至今不悔知縣張擢士扁其門

烈女

萬烈女生員萬宏女字楊洪柱聞洪柱卒給婢子盡
去入父書室扃戶自縊死知縣袁光宇上其狀詔
旌表知縣蔣以化爲立祠

易烈女易體亨女也字沈時鰲時鰲卒女整衣寢欲
自盡父母持之明日女謂父母曰兒知誤矣父母
在奚死乎是夜防少踈遂自縊 曆三十年御史
王立賢上狀旌表

夏烈女夏太衡女也崇禎乙亥賊執女不從得問赴
水死賊義之葬焉血歎尺許浣賊衣賊終不敢近
楊烈女楊鳴桐女也崇禎乙亥女爲賊所執罵賊白
梃亂下必死

唐烈女生員唐鰲女也字楊未嫁祭木被賊執救之
上馬撲地不從亦脇之罵不絕口見殺

貞女

姚貞女生員姚楨女也字鄭一德一德卒女服毒幾
死灌以水甦遂請於父母歸鄭置柵圍其間非十

德安府志

卷之六

節烈

三

歲婢不許進日蓬垢哭爲一德置嗣子歷二十二
年女乃卒推官劉康國上其狀御史王立賢題請
旌表

易貞女易占女郎易烈女姑也字漢陽劉養恬未嫁
養恬卒女必欲往弔父母尼之不可乃聽其往郎
至劉遂不肯歸奉舅姑養葬如禮守節二十三年
乃卒撫按及督學道皆旌以扁未得題請見漢陽
舊志

州節烈

朱昱妻劉氏昱早卒遺腹舉一子劉守志撫孤成立
成化中旌

庠生盧暹妻黃氏暹卒時黃年二十二撫遺腹子家
極貧守節不二嘉靖間旌其門正德中奏聞月給
米一石

庠生朱璵 妻章氏璵卒時張年甚少守節不二嘉
靖中表

藥貞明妻陳氏正德時賊劉六等之亂氏聞驚挈二
子以避之遇賊於塗欲污之不得賊殺其子以挾

德安府志

卷之六

節烈

四

之卒不從乃剗其孕而死

黃銑妻都氏年二十七孀居撫二孤勵節以終有司
旌之

熊雲斐妻呂氏崇禎時斐隨父任江南早死呂年十
九欲自盡姑勸之汝翁薄宦能攜歸家乎呂遂扶
柩歸葬事畢盡散其所有閉戶七日不食而死未
旌表

梁凝禧妻馮氏崇禎十年夫婦避難至西河被賊追
急上岸夫婦不相舍欲與同死氏訣凝禧曰司死

固所甘心但君尚無子又有老母在堂可速逃牛
於此地尋我屍可也禧遂逃次早果得氏屍

分

尊妻馬氏即梁凝禧妻妹也夫婦避難南庄被
追逼後圍賊執刀逼氏上馬氏罵不絕口被賊
剖腹而死

何宗聖妻徐氏諱封淑人城破被擄罵賊副其身而
死

熊本厚妻梁氏被賊掠欲污之不從且罵不絕口賊

府志

卷之六 節烈

四

剖腹子出而死

帥以正妻賀氏被擄不污以頭擊石而死

斬龍顏妻王氏挈幼子同父鏡門避賊榛莽中相去

數十武賊先羅得氏呼之不起擲殺幼子挾之如

故鏡門奮起日兒今得死所矣賊遂殺鏡門氏卒

不從亦見殺

楊熙遠妻何氏侍郎八柱之女也被賊獲毒罵不輟

賊怒碎磔之

陳節婦龔氏 子喪氏年十九守節不二撫遺腹子

幼學成立有司旌表

張楚妻梁氏年二十三而寡撫二孤成立事公姑克
孝勵節以終有司扁其門

庠生梁時煌妻張氏煌卒時張年二十有五苦節終
身教子成立未旌

應山縣節烈

華禎妻陳氏正德中流寇至時有娠寇欲污之不從
殺其二子以挾之卒不從且罵不絕口賊怒剗其
孕而死

德安府志

卷之六 節烈

四

王某妻戴氏年十八夫死家貧無子誓不再適守節
以終

吳金妻周氏流賊入境污之不從乃束縛於几上剖
腹而死

劉本根妻席氏不受寇污死之

楊漣妻詹氏事繼姑王氏以孝聞天啓壬戌秋姑病
危籲天告祖請代不應禱於神剗左肱一鬻進飲
姑神氣頓爽如是者三病大痊後八年姑始卒及
忠烈羅璫禍有子之環庶出也甫及週氏撫之倍

如已子迨後分晰田產僕婢財物盡以美者與環
諸子感其義亦不欲校其二子之言余氏妻余觀
察女也亦讀書知禮妾生二子撫之無異已出皆
教之讀書成名云後封一品夫人

彭濛妻陳氏年十五適濛濛貧脫簪珥佐舅姑膳濛
疾劇籲天請代濛死抱僵尸痛哭斷左手中指染
血透履邀濛友閔政至叩頭流血屬以老姑及濛
弱弟剪髮爲三一付姑一付母一裹斷指結濛項
上絕粒七日而亡貧不能殮縣令姬文華捐捧殮
德安府志

卷之六 節烈

四

之墓在治北

黃烈女幼聘王國俊未嫁而王卒女請父命往弔欲
殉之不得卽留殯殯畢遂留養姑越明年壻忌日
親往營墓事畢乃拜訣毋與姑水漿不入口者七
日乃卒

王芳妻楊氏崇禎戊寅六月墜於塘氏迫赴水

中救之夫溺益深氏亦不起遂惜死焉

閔則哲妻程氏年二十崇禎末寇破青堆山罵賊不
屈死

翟楚文妻李氏賊擒其夫子被氏自城墜下伏夫身
並殺之

楊之賦妻傅氏 沈岐英妻楊氏郎之賦女寇亂避
居武昌城破母子俱沉於湖

曹炳妻夏氏幼以孝稱適炳三載而寡事孀母撫孤
兒勵節以終

戴節婦十八而娶家貧無子誓不再適苦節至七十
六而卒

譙恩妻吳氏早寡紡績自給撫子成立苦節四十年
德安府志

節烈
爾卒知縣其閭

庠生魏霞妻吳氏 平時吳年方二十有五矢志自
守其子成立萬曆間賜坊旌表

劉達妻王氏夫早喪破面日矢拮据教子迄六十八
歲有司扁其門

于芬妻劉氏生子甫五歲而芬卒時年二十二勵志
孀守四十餘年邑宰旌其閭

盧廷瑞妻劉氏年二十二而瑞卒矢志撫孤歷諸艱
搯益勵內外截然萬曆間旌其門曰抗節繼風

蘭妻管氏年甫二十一友蘭病卒堅貞撫孤
承姑舅天啓間扁其門

方揚妻雷氏夫早亡無子撫一女當亂離顛沛中竟
以節終

陳濃妻程氏濃為賊所害程年方十九不避兵戈於
眾屍中殮夫歸殯遺腹生一子誓守以終舅姑之
餘年蓋始終如一日焉

劉士稚妻黃氏適士稚未一歲士稚卒苦節三十餘
年而卒

德安府志

卷之六 節烈

五

朱錦妻王氏錦早世氏年三十撫二子成名時人咸
稱其節比敬姜云

和溶妻謝氏無嗣年三十守節至六十久而彌貞世
亂未蒙旌表

韓國鼎妻周氏夫逝無嗣憤鬱而卒

妻彭氏年二十喪夫事姑撫幼誓不改醮節孝
感格能滅天火年七十卒

程世存母黃氏年十九而寡事公姑撫子成立苦
節四十餘年卒

李應辰妻夏氏年二十守節終身

陳氏年二十九而寡當離亂之際苦節自守教子成立時人所以稱節焉

楊忠烈次室陳氏當家業凋零之日撫子之環成器其於忠烈允無愧云

僑寓 隱逸附

聞之弧矢四方孤踪寄托或偶樂其山川而稅駕焉不則吟鞭笑指投轄言懽攬勝登高淹以歲月後人指而數之以爲是固常僑寓吾土者猶黃州

德安府志

卷之六

僑寓

哭

人之稱王元之而世之稱元之者亦必曰黃州也夫君子至斯榮分地主蘇子瞻有云瓦礫草木被其光澤圭璧之詠何忍遺之作僑寓志

景差嘗至雲夢澤後至蒲騷見宋玉曰昨到雲夢喜見楚山之碧眼力頓明

鬪伯比楚子若敖氏娶於鄖生伯比若敖邑於鬪遂以爲氏若敖卒伯比從其母畜於鄖私鄖子之女

生子文而娶焉

詳見子文傳

王常字頴鄉潁川舞陽人王莽末爲弟報讎亡命江

夏已與王鳳王匡等起兵新市號下江兵戰小長安爲嚴尤所敗壁於宜秋劉縯往說之常遂決志歸漢更始立拜廷尉大將軍封鄧王建武二年詣洛陽降光武見常甚歡勞之封山桑侯累從征伐有戰功拜橫野大將軍久之屯故安拒盧芳十二年薨於屯所謚曰節侯

董永青州千乘人少失母漢靈帝中平中黃巾起渤海騷動奉父避兵汝陽再徙安陸父亡無以葬從里富人裴貸錢五千約以身爲奴償之葬畢往役

德安府志

卷之六 僑寓

七

道值一婦求爲妻永曰今貧若是身復爲奴不敢屈辱婦曰不耻貧賤永與俱往錢主曰本言一人今乃有二永曰言一得二理何乖乎主問婦有何能婦曰解織主曰爲我了三百縑卽免而僕矣彌月而縑具主驚詫遂放歸行次舊逢處婦曰我織女也感君至孝天帝遣爲君妻償夙負爾事旣竣不得久停語訖騰空以去後永卒墓於孝感黜鞅

實

按今長沙縣有董永祠汝陽縣有二孝庄一統志

曰孝子蔡順董永所居是永之避兵經汝陽而後入安陸以墓在孝感故以此得名而如臯博興二縣俱有永墓豈賢者過化之地皆顯附其名以耀於山川乎

董黯字叔達其先句章人漢江都相仲舒裔孫也事母孝比隣王寄母以黯能孝諷寄寄忌之伺黯出辱其母黯恨寄及母死斬寄首以祭母自陳於官和帝詔釋其罪且旌異行召拜郎中不就後僑寓孝感今邑北百三十里有黯墓

德安府志

卷之六 僑寓

四

邳暉字君章汝南平西人漢光武建武末年客游江夏授教授

岑暉字公孝南陽棘陽人有高名太守弘農成瑨請爲功曹少當賈張汎桓帝美人之外親用勢縱橫唯勸瑨捕誅之帝大震怒徵瑨下獄死暉逃匿齊魯間會赦出三府交辟不就及李膺杜密誅復逃竄匿白雲山終焉

蕭綸字世調梁武帝第六子少聰穎博學善屬文尤工尺牘封邵陵王侯景卽陷臺城綸修械將討之

元帝忌其強盛遣王僧辯帥舟師逼綸綸將劉
武等降僧辯綸軍潰與于確等十餘人走武昌汝
合散卒與長史韋質司馬姜律屯齊昌郡將引魏
軍共攻南陽侯景將江之使鐵騎襲綸綸敗走定
州定州刺史田瑛馳迎綸綸以龍鳳州鎮所任懼
爲所執復歸齊昌行至汝南西魏所署汝南城主
李素者綸故也開城納之綸修城浚池收集士
卒將攻 隆 魏開之遣大將軍楊忠儀同侯幾
通帥師赴焉忠等至汝南綸嬰城自守攻之不能

德安府志

卷之六 僑寓

四

克死者甚衆後李素中流矢卒城陷綸被執不屈
殺之投於江岸經日顏色不變命獸不敢近時年
三十三百姓憐之爲立祠寺帝追諡之曰攜令縣
治百里有汝南城

蕭衡字平正平昌人有才能性剛傲慢物遊許下曹
操不能容送別州劉表表不能容送江夏黃祖衡
在江夏爲祖作書記祖厚待之命作鸚鵡賦甚喜
之 衡與祖長子射尤相善後忤祖祖盡衡復大
罵遂遇害

按黃祖爲江夏太守禰衡克書記入僑寓無疑客
有疑衡之見殺在鸚鵡洲相去二百里許不應載
入者彼時鄂亦江夏地豈以被害不在安陸而遺
之乎

張衡嘗寓隨州涪東讀書

陳昌字敬業陳高祖第六子封衡陽王性聰敏讀書
一覽成誦明析政事還自長安以王琳阻於中流
遂寓安陸卒謚曰獻

李白字太白唐宗室隴西人天寶初明皇召見詔供

德安府志

卷之六 僑寓

五

奉翰林還山會安陸宰相許紹妻以孫女居白兆
山三年後人於白兆山建長庚書院

路審中陽平人僖宗時授黃州刺史光啓二年爲董
昌所逐客遊蘄黃徙居安陸久之安陸賊周通率
眾劫之審中遁去未幾杜洪兵起安州遂亡

金宗敏高麗人父行成奉使來朝居久不欲歸詔授
安州通判數年卒詔以宗敏補齋郎安州月給錢
一二緡米五斛膳之終身焉

范倫方城人授安州掌書記五子致君致明致虛致

祥致厚皆從父居安州後兄弟遂以安州籍相繼
今府署後五桂堂蓋范建也後致君從安陸又徙
於隨焉

諸葛覺李繁爲刺史於隨韓心與之善遂送其友諾
葛覺讀書於隨

丁十良爲吳元濟驍將嘗爲邊患元和十二年二月
唐鄧隨節度使李愬遣將馬少良以十萬騎出哨
直上良禽之衆請於愬欲爭取其心良無懼色愬
曰此壯人也命釋其縛士良自言曰原非淮西貞

卷之六 僑寓

五

安州與吳氏戰爲所禽自分死矣吳氏釋
而刃之故爲吳父子竭力今公又生之請盡死以
殺愬給其衣器械爲卒生將

彥章字子明鄆州壽張人爲梁行營先鋒軍馬使
驍勇絕每戰用二鐵鎗皆重百斤一置鞍中一
在手所向無前時人謂之王鐵鎗及敗於中都爲
魯可素所擒唐莊宗多力諭之不屈遂見殺圖經
云彥章幼居孝感之九嶽山

鄭建中先世雍丘人徙居安陸建中貲繼巨萬城中

居人多客舍每大雨過以瓦代人補屋漏若客自
爲屋亦爲繕完又隆冬苦寒編舍錢盈月建中晚
得子紆登進士第官至祠曹侍郎紆有五子長曰
編中皇祐元年進士次郎辨亦中皇祐五年進士
世祿不絕

可光字君實宋潯平間光之兄且知安州時光居
洛歲必來省其兄今西郊曬書臺書室及東巖皆
相依前書院蹟也

郭忠恕不知先初僑寓安陸郡守求其書畫乃不可
德安府志

卷之六 僑寓

三

得事覲

董宗本仕漢爲隨州刺史五代六 祖依焉寓於隨
州

程頤字伯淳程頤字正叔俱宋大夫珦子也世家伊
洛珦父適令黃陂時娶於孝感張氏生珦適卒於
黃陂珦未克北歸以故頤頤常遊孝感讀書董湖
西北隅今程子港卽其地也攬勝者以程港夜月
爲八景之一

宋綬其先潯州平棘人徙隨博通經史百家年十五

召試中書真宗愛其文後又試學士院官至叅知政事卒贈司徒

宋敏求綬之子家藏書二萬卷皆熟習著書甚富學者多容之

連舜賓字輔之其先閩人自其祖光裕反莖應山因家焉少舉毛詩不中遂歸養其父正不復仕家多貲悉散以調鄉里教其二子庶庠以學曰此吾貴也歲饑出穀萬斛減價以糶民皆賴之盜亦感化及卒遠近徃哭歐陽子嘗稱之

德安府志

卷之六

僑寓

五二

連庶字君錫舜賓子舉進士爲商水尉調壽春令興學尊禮秀民以勸其俗開穎淮田千頃一縣大治淮南王舊壘在山間會大水州守議取其甃爲城庶曰弓矢舞衣傳百世藏王府非爲必可用蓋以古物傳於今尚有典型也尋以母老乞監陳州稅未幾求分司歸久之歐陽修祖無擇薦庶文學行義宜在臺閣起知崑山不行遷職方員外即卒

連庠字元禮庶之弟舉進士爲宣城令敏於政事號良吏官至都官郎中兄弟在里中宋郊兄弟歐陽

以二朱貴退居守道非人不交非義秋
可汚也

隨州人少穎異日誦數千言淳祐初舉進士
濠州後主管兩淮制置司事大興鹽利楊民
如父母坐累罷元兵圍揚州日出兵死聞加叅知
兵首應勤王詔城守揚州日出兵死聞加叅知
事宋亾不屈阿木殺之楊民皆慟哭
從吉彭城人也真宗時坐上書訟父寃除名配於
隨州

德安府志

卷之六

僑寓

七

歐陽修廬陵人大中祥符三年歐陽曄為隨州推官
修曄從子也幼孤依之因家於隨

州居實邢恕之子也有異才從恕居於隨州嘗作南
征賦

十襄開封人朝散郎自襄陽僉幕致仕居安陸初草
七與黃董諸公遊日以詩酒為樂今堂墓在應通
山之東

默字子卿初名傑字漢卿廣平肥鄉人究伊洛性
命之學避兵南渡河至蔡州會兵過蔡遂南走德

梁汝元字夫山江西禾豐人更姓字爲何心隱嘉隆
間游楚以講學爲名又游京師客耿恭簡邸舍一
日張江陵過耿汝元望見走匿耿訝問其故汝元
曰分宜欲滅道學華亭欲興道學而皆不能興滅
者此人也必操天下大柄且終當殺我子弟識之
後江陵當國果以魯光妖案捕汝元下所司竟斃
於獄堇孝感弘樂鄉東里與顏學合墓
饒友成望江人德安教授政之仲子也政居德安九
年臨去諸生不忍別乃留友成家於安陸

德安府志

卷之六

隱逸

五

隱逸

元德秀字紫芝爲魯山令解官居安陸清貧陶然物
外獨處一時值大雨水溢七日不得渡餒死中書
舍人盧載爲誄文云誰謂府君犬不啗肉誰謂府
君馬必食粟使我府君餒死空谷

智緣隨州人善醫嘉祐末召至京舍於相國寺每察
脉而能道其凶吉所言若神士大夫爭造之熙寧
中王韶謀取青唐上言蕃族重僧而僧結吳叱納
土部帳甚衆請智緣與俱往神宗命智緣入蕃中

說結吳叱納歸化而他皆因以輸款名還以爲右街首坐

今狐揆卜築涓溪之南嘗雪中跨驢入城詣張君房借書卜童攜筆負琴帛繒暖帽委轡長吟曰借書離近郭卜雪渡寒溪布衣林逸善繪因作令狐揆雪中渡溪圖

蔡乾菴德安人逸其名以理學稱事見安陸

萬衍安陸人少穎異長解天人理以道學稱巡按陸式廬請教上於朝名對得上心賜爵祿俱不受錫

德安府志

卷之六 隱逸

七

圖書萬軸歸隱於邑西白兆山麓

吳彥德隨州人少業儒不售棄就醫凡人疾病不瘳者大小咸詣其家欣然療之遇窮困者凍與衣饑與糧鄉人稱爲篤行君子子旻舉於鄉

安大危居雲夢曲水湖自號曲湖逸人事見雲夢徐進可字南征司馬養量從子也事見應城

萬之奇字心常德安人明國子監學正性端方言笑不苟精於天文太乙皇極諸書談言微中明末仰見乾象卽棄職披緇遁於長沙之遼冲山施藥濟

貧屢聘不起暮年歸里太守高翔表其閭曰康成
授經縣令學博稱其德曰純孝大儒年七十二正
襟危坐卒九青王岱贊曰挾圯橋術抱商山節葛
巾中軍曾爭氣渾於半壁雖未遂南陽抱膝之宿
志未常不麟炳於日月鬚眉蒼蒼喬松翠柏張郛
九尺髯公俊絕可以登之清廟明堂可以置之香
山白社

黃文旦字敬渝孝感人十歲能文治毛詩著有二南
箋義二十五篇崇禎丙子舉於鄉讀書慷慨有大

德安府志

卷之六 隱逸

五

志後絕意仕進明末感時事作測時論十篇蕘慮
二十四篇危言讜識論者比之賈長沙陳同甫家
以益貧挑野菜和羹炊之欣然適也有老峯集著
千卷子澤惟皆以文章世其家